

重修政和經史證類備用本草

重修政和經史證類備用本草卷第二十二

已酉新
增衍義

成都唐慎微續證類



宋徽宗宣和元年八月詔修本草卷第二十二

救校勘

蟲部下品總八十種

一十八種神農本草經

白字

一十二種名醫別錄

墨字

二種唐本先附

注云
唐附

五種今附

皆醫家常用有
效注云今附

八種新分條

三十六種陳藏器餘

凡墨蓋子已下並唐慎微續證類

蝦

遐音

墓

音麻

牡鼠

肉糞附

馬刀

蛤蜊

梨音

蜆

顯音

蟻

平咸切

蟻進

蚌蛤

車螯

蚌

蛭

淡菜

已上八種元附馬刀條下今新分條

蝦

蚌蛇膽

附膏

蛇蛻

蛭蛛

腹蛇膽

附肉

白頸蚯蚓

蠟

音公切

烏紅

葛上亭長

蜈蚣

蛤蚧

附今

水蛭

質音

斑貓

田中螺

貝子

石蠶

雀甕

白花蛇

附今

烏蛇

金蛇

銀蛇金星鱗等附今附

蜣螂

五靈脂附今

蝟附今

蝮音婁 蝮音婁

馬陸

鼃音蛙

鮫鯉甲今人呼穿山甲

芫菁

地膽

珂附唐

蜻蛉

鼠婦濕生蟲也

螢火

甲香附唐

衣魚

三十六種陳藏器餘

海螺

海月

青蚨

豉蟲

烏爛死蠶

繭鹵汁

壁錢

針線袋

故錦灰

故緋帛

赦日線

苟印

溪鬼蟲

赤翅蜂

獨脚蜂

蜡音蛇

盤螯蟲

蝻蟪

山蛩蟲

溪狗

水鼯

飛生蟲

蘆中蟲

蓼螺

蛇婆

朱鼈

擔羅

青腰蟲

虱

苟枸上蟲

大紅蝦鮓

木蠹


留師蜜

藍蛇頭

兩頭蛇

活師

蝦蟇



下品蝦蟇音味辛寒有毒主邪氣破癥堅血癰腫陰

瘡服之不患熱病療陰蝕疽癰音賴惡瘡猘犬傷瘡能

合玉石名蟾音一名鼈音一名去甫一名苦蠶

音籠又生江湖池澤五月五日取陰乾東行者良陶隱居云

此是腹大皮上多疥瘡罪切磊來罪切者其皮汁甚有毒犬嚙之口皆腫

人得溫病既出困者生食一兩枚無不差者五月五日取東行者五枚

反縛著密室中閉之明日視自解者取為術用能使人縛亦自解燒

灰傳瘡立驗其肪塗玉則刻之如蠟故云能合玉石但肪不可多得

取肥者剉煎膏以塗玉亦軟滑易截古玉器有奇特非雕琢人功者

多是昆吾刀及蝦蟇肪所刻也唐本注云別錄云腦主明目療青盲

也呂禹錫等謹按蜀本圖經云今所在池澤皆有取日乾及火乾之一法剉去皮爪酒浸一宿又用黃精自然汁浸一宿塗酥炙乾用之

蕭炳云腹下有丹書八字者以足畫地真蟾蜍也藥性論云蝦蟇亦可

單用主辟百邪鬼魅塗癰腫及治熱結腫又云蟾蜍臣能殺疥蟲治

單漏惡瘡端午日取眉脂以朱砂麝香為丸如麻子大小孩子疳瘦

者空心丸如腦肝以妳汁調滴鼻中燒灰傳一切有蟲惡痒滋胤瘡

陳藏器云蝦蟇蟾蜍二物各別陶將蟾蜍功狀注蝦蟇條中遂使混

然採取無別今藥家所賣亦以蟾蜍當蝦蟇且蝦蟇背有黑點身小

能跳接百蟲解作呬呬聲在陂澤閒舉動極急本經書功即是此也
蟾蜍身大背黑無點多疥磊不能跳不解作聲行動遲緩在人家濕
處本功外主溫病身斑者取一枚生搗絞取汁服之亦燒末服主狂
犬咬發狂欲死作鱸食之類食數頓矢主惡瘡謂之土檳榔出下濕
地處往往有之術家以肪軟玉及五月五日收取即是此也又有青
蛙鼃蛤蟆蠃長肱石榜蠃子之類或在水田中或在溝渠側未見別
功故不具載周禮掌蠃氏去鼃鼃焚牡菊灰洒之則死牡菊無花菊
也本經云蝦蟇一名蟾蜍誤矣
華子云蝦蟇冷無毒治犬咬及熱
狂貼惡瘡解煩熱色斑者是又云蟾涼微毒破癰結治疳氣小兒面黃
瘳氣燒灰油調傳惡瘡入藥並灸用又名蟾蜍眉酥治蚰牙和牛酥
摩傳腰眼并陰囊治腰腎冷并助陽氣以具茱萸苗
汁調妙糞傳惡瘡丁腫雜蟲咬油調傳瘰癧痔瘻瘡
圖經曰生江
湖今處處有之腹大形小皮上多黑斑點能跳接百蟲食之時作呬
呬聲在陂澤閒舉動極急五月五日取陰乾東行者良本經云二名蟾
蜍以爲一物似非的也謹按爾雅鼃起搏醜蟾蜍郭璞注云似蝦蟇
居陸地又科斗注云蝦蟇子也是非一物明矣且蟾蜍形大背上多
疥磊行極遲緩不能跳躍亦不解鳴多在人家下濕處其腹下有丹
書八字者真蟾蜍也陶隱居所謂能解大毒及溫病斑生食之並
用蟾蜍也本經云主邪氣破堅血之類皆用蝦蟇二物雖一類而功
用小別亦當分別而用之治聞記云蝦蟇大者名田父能食蛇蛇行
田父逐之蛇不得去田父銜其尾久之蛇死尾後數寸皮不損肉已
盡也世傳蛇敢鼃今乃云田父食蛇其說頗怪當是別有一種如此

耳韋宙獨行方治蠶咬取田父脊背上白汁和蟻子灰塗之差蟾蜍矢謂之土檳榔下濕處往往有之亦主惡瘡眉酥主蚰牙及小兒疳瘦藥所須又有一種大而黃色多在山石中藏蟄能吞氣飲風露不食雜蟲謂之山蛤山中人亦食之此主小兒勞瘦及疳疾等最良

雷公云

有多般勿誤用有黑虎有黃蛇有黃蠅有蠅蠅有蟻其形各別其蟻蟻皮上腹下有斑點脚短即不鳴叫黑虎

身小黑黃脚小斑蚰黃斑色前脚大後腿小有尾子一條黃蛇遍身黃色腹下有臍帶長五七分已來所住立處帶下有自然汁出螻蛄即夜鳴腰細口大皮蒼黑色蟾即黃斑頭有肉角凡使蟻蟻先去皮并腸及爪了陰乾然後塗酥炙令乾每修事一箇用牛酥一分炙盡為度若使黑虎即和頭尾皮爪並陰乾酒浸三日漉出焙乾用

聖惠方

治風邪蟻蟻燒灰朱砂等分每服一錢水調下日三

四服甚有神驗

又方

治腹蛇蟄方用生蛻蟻一枚爛杵碎傳之

外臺秘要

治卒狂言鬼語燒蟻蟻杵末酒

服方寸匕日三

又方

治小兒初得月蝕瘡五月蟻蟻燒杵末猪膏和傳之

又方

治小兒患風瘡及瘡瘡久不差者燒蟻蟻

杵末傳之日三四度差

又方

蟲已食下部肛盡腸穿者取長股蟻蟻青背者一枚雞骨一分燒為灰合吹下部令深入又云

數用大驗

又方

治癰瘡方取蟾蜍燒灰末以猪脂和傳之

孫真人

腸頭挺出以皮一片瓶內燒熏挺處

梅

師方

治疳蠱無問去處皆治之以蟻蟻燒灰好醋和傳日三五度傳之差

子母秘錄

小兒洞洩下痢燒蟻

薑末飲調

又方

治小兒口瘡五月五日蝦蟇炙杵末傳瘡上即差兼治小兒蓐瘡

南北史

張暢

弟收嘗為獠犬所傷醫云宜食蝦蟇臄收甚難之暢含笑先嘗收因此乃食

衍義曰

蝦蟇多在人家渠壩下大腹品類中

最大者是遇陰雨或昏夜即出食取眉閒有白汁謂之蟾酥以油單裹眉裂之酥出單上入藥用有人病齒縫中血出以紙緝子蘸乾蟾

酥少許於血出處按之立止世有人收三足枯蟾以問衆但以水沃半日盡見其偽蓋本無三足者

牡鼠微溫無毒療跛折續筋骨擣傳之三日一易四足

及尾主婦人墮胎易出

呂禹錫等謹按藥

○肉熱無毒

主小兒哺露大腹炙食之○糞微寒無毒主小兒癰

疾大腹時行勞復

國隱居云牡鼠父鼠也其尿兩頭尖專療勞復鼠目主明目夜見書術家用之臘月鼠燒

之辟惡氣膏煎之亦療諸瘡臄主目暗但纔死臄便消故不可得之呂禹錫等謹按孟詵云牡鼠主小兒癰疾腹大貪食者可以黃泥裹

燒之細揀去骨取肉和五味汁作羹與食之勿令食箸骨甚瘦人又取臘月新死者一枚油一大升煎之使爛絞去滓重煎成膏塗東瘡

及折破瘡日華子云鼠涼無毒治小兒驚癰疾以油煎令消入蠟傳湯火瘡生擣罽折傷筋骨雄鼠糞頭尖硬者是治癰疾明目葱豉煎

服治勞復足
燒食催生

圖經文已附錄

陳藏器序

雄鼠脊骨未長齒
多年不生者效

外臺秘要

治勞復方用鼠屎頭尖者二十枚
五合水二外煮取一外頓服

又方

治鼻中外
查瘤膿血

出者正月取鼠頭燒作
灰以臘月猪膏傅瘡上

千金方

治鼠瘦以新鼠屎一百粒已來收
置密器中五六十日粹碎即傅瘡

孔又方

治癰瘡中瘡口不合用鼠皮
一枚燒為灰細研封瘡口上

又方

治室女月水不通
用鼠屎二兩燒灰研

空心溫酒
調下半錢

又方

醫針人而針折在
肉中以鼠腦塗之

肘後方

耳卒聾取鼠膽內耳
中不過三愈有人云

側卧瀝一膽盡須臾膽汁從下邊出初
出益聾半日須臾乃差治三十年老聾

又方

治人目盡喜瞤取鼠
目一枚燒作屑魚膏

和注目皆則不眠兼
取兩目縫囊盛帶之

又方

箭鏑及針刀刃在咽喉骨膈諸
隱處不出方杵鼠肝及腦傅之

又方

蛇骨刺人毒痛
方燒死鼠傅之

又方

治項強身中急者取活鼠破
其腹去五藏就熱傅之即差

經驗方

靈鼠
膏以

大雄鼠一枚渾用清油一片慢火煎鼠焦於水上試油不散即以綿
濾去滓添清重拭鉗子令淨再以慢火煎上件油次下黃丹五兩炒

令色變用柳木篦子不住手攪令勻再於水上試滴候凝即下黃蠟
一兩又熬帶黑色方成膏然後貯於繁合器中候硬合地上出火毒

腫去痛而涼
三兩日傳貼瘡

梅師方

治食馬肝有毒殺人者以雄
鼠屎三七枚和水研飲服之

又方

治從
高墜

下傷損筋骨疼痛叫喚不得療血著在肉以鼠屎
燒末以猪脂和傳痛上急裏不過半日痛乃止

又方

臘月鼠向
正旦朝所

居處理之
辟瘟疫

又方

鼠焦爛盡成膏研之仍以綿裹絞去滓待冷傳之
治湯火燒瘡痛不可忍取鼠一頭油中浸煎之候

日三度
止痛

又方

治因瘡中風醫脊反張牙關口噤四肢強直
鼠一頭和尾燒作灰細研以臘月猪脂傳之

又方

治狂犬咬人取鼠屎
二升燒末研傳瘡上

又方

馬咬人踏破作瘡腫毒熱痛方鼠屎二
七枚馬鞭五寸故者相和燒為末以猪

脂和
食醫心鏡

主水鼓石水腹脹身腫肥鼠一枚剥皮
細切煮粥空心喫之類食三兩度差

斗門

方

治打傷瘡用老鼠一箇自死腸肚劈剉油半斤煎
令焦黑用罐收之使時以雞翎惹油傳於瘡上即乾立差

姚

和衆

治小兒癰疽煮老
鼠肉汁煮粥與食

子母秘錄

令子易產取鼠燒末以井
花水服方寸匕日三服

又方

治乳無汁死鼠一頭燒作末
以酒服方寸匕勿令婦人知

又方

治妊娠子死腹中雄鼠
屎一七枚以水三升煮

取一升去滓取汁以
作粥食之胎即下

楊氏產乳

療小兒齒不生取鼠糞三七
枚一日一枚拭齒令生此糞用

兩頭
圓者

又方

治眼目晚不見
物取鼠瞻點之

產書


下乳汁以鼠作
臘勿令知與食

深師方

治鐵
棘竹

木諸刺在肉中刺不出以
鼠腦搗如膏厚塗即出

馬刀



馬刀味辛微寒有毒主漏下赤白寒熱破石淋殺禽

獸賊鼠除五藏間熱肌中鼠鼯

蒲剝切

止煩滿補中去

厥痺利機關用之當鍊得水爛人腸又云得水良一

名馬蛤生江湖池澤及東海取無時

陶隱居云李云生

漢間人名爲單音善姪音母亦食其肉肉似蟬今人多不識之大都

似今蟬音亭蟬蒲亭切而非方用至少凡此類皆不可多食而不正入

藥惟蛤蜊煮之醒酒蠅殼陳久者止痢車螯音裁蚶火甘切蠺蟻平咸切

蟻音進之屬亦可爲食無損益不見所主雉入大水變爲蜃蜃音腎

云是大蛤乃是蟬爾煮食諸蜋蝸蝓菜皆不利人也

謹按蜀本圖經云生江湖中細長小蚌也長三四寸闊五六分

圖

經曰

馬刀生江湖池澤及東海今處處有之蜋蝸亦謂之蚌蜋與蟬同之類也長三四寸闊五六分以來頭小銳多在沙泥中江漢間人名

為單燒亦食其肉大類蚌方書稀用蚌蛤之類最多蚌肉壓丹石毒
殼為粉以傅腫又可制石庭脂爛殼研飲主翻胃及胃中痰蛤蜊
主老癖能為寒熱者蜺殼陳久者止痢蚘補中益陽所謂瓦屋是也
蜺蜺似蛤而長扁殼主痔瘻主腎中邪熱與丹石人相宜淡菜補五
藏益陽浙江謂之殼菜此皆有益於人
者餘類實繁藥品所不取不可悉數也

衍義曰

馬刀京師謂之煇岸春夏人多食然發風痰性微冷又順
安軍界河中亦出蜺大抵與馬刀相類肉頗澹人作鮓以

寄隣左又不能致遠亦發風此等皆
不可多食今蛤粉皆此等衆蛤灰也

蛤蜊

音

冷無毒潤五藏止消渴開胃解酒毒主老癖

能為寒熱者及婦人血塊煮食之此物性雖冷乃與

丹石相反服丹石人食之令腹結痛

新見陳藏器曰華子

圖經

文具馬
刀條下

初虞世

療湯火傷神妙蛤蜊殼灰火
燒研為末油調塗之集驗同

蜺

音

冷無毒治時氣開胃壓丹石藥及丁瘡下濕氣

下乳糟煮服良生浸取汁洗丁瘡多食發嗽并冷氣

消腎陳殼治陰瘡止痢蜆肉寒去暴熱明目利小便
 下熱氣脚氣濕毒解酒毒白黃浸取汁服主消渴爛
 殼溫燒為白灰飲下主反胃吐食除心胃痰水殼陳
 以療胃反及失精新見唐本注陳藏器曰華子圖經文具馬刀條下陳藏器
小於蛤黑色生水泥中候風雨能以殼為翅飛也聖惠方治卒夢數不止用白蜆殼不計多少搗研極細每服米飲調下一錢匕日三四服妙

蜆殼燒作末服之主痔病

新見陳藏器

圖經



文具馬刀條下

陳

藏器

蜆蜆咸切蜆音進一名生進有毛似蛤長扁殼燒作末服之主野雞病人食其肉無功用也

蚌蛤



蚌冷無毒明目止消渴除煩解熱主母補婦人虛勞下

血并痔瘻血崩帶下壓丹石藥毒以黃連末內之取

汁點赤眼并暗良爛殼粉飲下治反胃痰飲此即是

寶裝大者又云蚌粉冷無毒治疳止痢并嘔逆癰腫

醋調傅兼能制石亭脂

新見日華子

圖經

文具馬刀條下

陳藏器

據陶云大蛤乃蚌按蚌寒者之主婦人勞損下血明目除濕止消渴

光蚌含珠殼堪為粉爛殼為粉飲下主反胃心胃間痰飲生江溪渠

潰間陶云

食療云 蚌大寒主大熱解酒毒止渴去眼赤動冷熱氣

丹房鏡源

蚌粉制硫黃

車螯冷無毒治酒毒消渴酒渴并壅腫殼治瘡癰腫

毒燒二度各以醋鍛擣為末又甘草等分酒服以醋

調傅腫上妙車螯是大蛤一名蜃能吐氣為樓臺海

中春夏間依約島激常有此氣

新見陳藏器日華子

食療

車螯

類並不可
多食之

蚶溫主心腹冷氣腰脊冷風利五藏建胃令人能食
每食了以飯壓之不爾令人口乾又云溫中消食起
陽時最重出海中殼如瓦屋又云無毒益血色殼燒
以米醋三度淬後埋令壞醋膏丸治一切血氣冷氣

癥癖

新見陳藏器蕭炳孟說日華子

圖經

文具馬刀條下

蛭味甘溫無毒補虛主冷利煮食之主婦人產後虛
損生海泥中長二三寸大如指兩頭開主胃中邪熱
煩悶氣與服丹石人相宜天行病後不可食切忌之

新見陳藏器蕭炳孟說

圖經

文具馬刀條下

淡菜溫補五藏理腰脚氣益陽事能消食除腹中冷

氣消痰癖氣亦可燒令汁沸出食之多食令頭悶目
 闇可微利即止北人多不識雖形狀不典而其益人
 又云溫無毒補虛勞損產後血結腹內冷痛治癥瘕
 腰痛潤毛髮崩中帶下燒一頓令飽大効又名殼菜
 常時頻燒食即苦不宜人與少米先煮熟後除肉內
 兩邊鑲及毛了再入蘿蔔或紫蘇或冬瓜皮同煮即
 更妙

新見孟詵
日華子

圖經

文具馬
刀條下

陳藏器

東海夫人味甘溫無
毒主虛羸勞損因產

瘦瘠血氣結積腹冷腸鳴下痢腰疼帶下疝瘕久服令人髮脫取肉
作臠宜人發石令腸結生南海似珠母一頭尖中銜少毛海人亦名
淡菜新注云此名殼菜大甘美南人好食治虛勞傷憊精血少
者及吐血婦人帶下漏下文丈夫久痢並煮食之任意出江湖

蝦無鬚及煮色白者不可食謹按小者生水田及溝
 渠中有小毒小兒患赤白遊腫擣碎傳之鮓內者甚